

Transkription von Urkunde HGW 1384a

Ort, Datierung: Greifswald, 1384-12-26

Signatur: Stadtarchiv Hansestadt Greifswald, k.A.

Inhalt: Bosse Nyczow und Clawus Niyn: Schuldbrief

Wi bosse nyczow vnde clawus niyn veddere deze wone(n)t tũ nyendũrpe vn(de) vse rechten erue(n) be ke(n)nen vnde / betughen openbar in desser schrift . dat wi schuldich syn . vanrechter schũlt alze like houetlude mỹd ener / zameden hant deme wisen mane her clawũse eneme pristere . vn(de) wonet tũ brist vn(de) sine(n) erue(n) drevn(de)-/sostich mark vn(de) ver schillynghe su(n)desgher pe(n)nynghe vn(de) de wedderlye der pe(n)ny(n)gehe . de wi em bereden / willen vn(de) scolē . tũ ener nũghe worit em tũ der tit adder euerst ku(m)pt . des neghesten daghes na su(n)te / mychelis daghe des hilghen enghelles de nũ neghest tũ komende is vortmer synt wi em schuldich vj / dromet kornes iiij dromet rokken . vn(de) tve dromet ghersten . de he vs rede Jarlyck dan heft vnde / gantzen vor ¹ nũt komen synt de will wi vn(de) scholen ze em ghelden . nũ tũ sunte mycheles daghe des enghelles de nũ / neghest(e)n kome(n)de is myd vnbeware(n) reden ye(n)nyghen alze id ok en gislik bedderue man . hir in deme lande / vp de tit ghelden let vortm(er) heft he vor vs louet tũ dym(m)yn . myd deme erughere tũ birst vor twelftehalue mark / sundesgher pe(n)nynghe vn(de) ² vor de wedderlye der pe(n)nynghe tideke lewenberghen . vnde syne(n) eruen . vortm(er) heft he / [...] louet tũ deme gripeswolde ty(m)me hoken . vn(de) syne(n) erue(n) . vor eluen mark su(n)desgh vn(de) vor de wedderlye der / pe(n)nynghe dar loue wi ene van allem raden tũ neme(n)de . de he des louedes neme(n) mach vp den vorbenũmeden / dag vn(de) sostich mark sundesgh . vn(de) ver schillynghe vn(de) de wedderlye de pe(n)nynghe . de he vs rede legghen vn(de) tellet / [... ...] alze ze vor be nũmet sũnt . vn(de)vp dat louede . beyde tũ dy(m)myn . vn(de) gripeswolde . alze / vor be nũmet is vn(de) wor he vor vs louet heft . dat men witlik is . deme denhe louet heft . nyne(re) groter / be wisynghē . schrift dar bouen gan . dar hebbe wi em vor wiset vn(de) settet . vn(de) hebben em settet vn(de) wiset neghen-/teyn mark gheldes vserpleghe . de wi hebben in deme dorpe tũ nyendorpeane tve schillinghe van vsen houē / bynnen vn(de) buten vn(de) vn(de) van den luden . de dar vp wonen van welikes synes houē vn(de) hvuen . vefteyn mark gheldes sundes-/scher pe(n)ni(n)gehe . vn(de) van ener halue(n) hũue de clũuer nũ buwet . dre mark gheldes . vn(de) van deme kote(n) den clũuer / van vs heft verteyn schillynghe gheldes su(n)descher penninghe de sa he vnde syne erue(n) . vn(de) syne vru(n)t nũ tũ sa(n)te / mertens daghe des hilghen bischopes . de nũ neghest tũ kome(n)de is vpp vnde vnbewũren . vt deme ghude voren / alze vor be nũmet is vn(de) vore tũ allen su(n)te mertens daghen . zo langhe . want he houetstul vn(de) rente de vor be-/nũmet is gantz vnde al tũ hus heft vn(de) de vp dromet kornes alze ze ik en geslik bedderue man tũ der tit / sik ghelden let alze vor be nũmet is [...] ³ vorbenũmeden vxv mark ane tve schillinghe de / wi em sett(et) hebben . vnde de vorbenomeden vxv m(ark) gheldes twyer schillinghe myn . de scolē nicht van / den los wesen . wi hebben ene nomen van schũlt . vn(de) van schaden . vn(de) van alleme louede wor he / vor vs louet heft beyde tũ dymmyn . tũ gripeswolde vn(de) sus wor id sus . dar he vor vs louet heft . vn(de) van alleme / scaden den he des louedes nehmen mach vnde weret dat is ein not wetre so sal he vn(de) syne vru(n)t vn(de) syne erue(n) / ze panden wor se se hebben konen id si woert si vn(de) scolē de pande vũren in ene stede dar id van alder euerst ku(m)pt / vn(de) scolē de pande vor kopen edder vor setten vn(de) scal syne pe(n)ni(n)gehe mede nehmen . wert em vurder borst he scal / mer panden . alze dikke alze em des be huf is . vn(de) scal dar mede varen alse

vor be screue(n) is . wer(et) ok dat em / jenegherleye borst edd(er) brake worde Jd we(re) an deme gantzen su(m)men . edder an eme dele an deme vor benõmede / su(m)men . edder re(n)te edder an deme korne edder an deme louede. dar loue wi em vul tǝ du(n)devan iare tǝ iare / alse dikke alseme vs tǝ secht myd vnbewuren reden pe(n)ny(n)gehen . edder myd so vele panden dat mevaren vn(de) dryue(n) /mach . Dar ze ere vnbewure(n) reden pe(n)ni(n)gehe mede neme(n) moghen . tǝ same(n)de vn(de) tǝ eneme male wer(et) ok dat / bosse vn(de) Clawus aff genghen alzo dat wi storuen . edder dat wi ene nycht van schũlt vn(de) van scaden neme(n) / [... ...] ³ al vse ghut panden hebben . wor wi id hebben . dat scal he vnd syne erue(n) vn(de) vru(n)t panden / ane brake vn(de) scal dat vor kopen edder vor setten . woert em euenst ku(m)pt . alse dikke alzo don des be huf is zo / langhe [... ...] ³ louede schult vn(de) scade . alse vor be nom(et) is . gantz vn(de) al tǝ hus heft / will al de wile dat he syne pe(n)ni(n)ghe vn(de) rente vn(de) corn alse vor benõm(et) is nicht gantz vn(de) al tǝ hus vn(de) van / schũlt vn(de) van scaden neme(n) heft hebben so scal desse brif allike nǝe vnd allike gut wi yn en in al syne(n) articulen / al desse vor be nõmeden stukke . vn(de) en gislik bi sik loue wi bosse vn(de) clawus nytzow vnd vse erue(n) . deme / vorbenõmeden . her clawuse vn(de) sine(n) erue(n) vn(de) syne(n) vru(n)den . hinr(ik) hermene vn(de)Jachym van heydebrake en / Jenegherlike hulpe wort . Jn [lat. Abschlußfloskel] anno d(o)m(ini) mccc / lxxxiiij c(ra)st(in)o die steffani p(ro)thomi(n)is

¹ Verschreibung: **tor**?

² **va(n)**?

³ vorstehende Passage [... ...] nicht lesbar